



Sarajevo, 18.10.2024. godine

Broj: 06-06-2-880-2/24

Vanjskotrgovinska/Spoljnotrgovinska komora BiH (VTK/STK BiH) poziva predstavnike poslovne zajednice u Bosni i Hercegovini i zainteresirana fizička lica na

Online kurs poslovnog engleskog jezika – Business English Online Course

koji će se putem Zoom aplikacije održati u trajanju od 3 mjeseca, kroz ukupno 48 školskih sati. U svijetu rapidnih promjena i globalnog poslovanja izuzetno je važna, ali i neophodna komunikacija na engleskom jeziku, kako u svakodnevnim situacijama tako i u poslovnom okruženju. Online kurs poslovnog engleskog jezika će Vam pomoći da usavršite poslovnu komunikaciju, proširite vokabular, savladate poslovnu korespondenciju i unaprijedite neophodne prezentacijske vještine.

Kada počinje nastava, kada se održava i koliko dugo traje?

Nastava počinje u sredinom novembra 2024. godine, nakon obavljenog ulaznog testiranja prijavljenih kandidata s ciljem određivanja nivoa znanja polaznika, a realizira se kroz dinamiku koja predviđa održavanje nastave 2 puta sedmično po 2 školska sata (ukupno: 4 školska sata/sedmično x 12 sedmica = 48 školskih sati). Nastava se održava radnim danima, u poslijepodnevnim satima (za vrijeme radnog vremena).

Šta je cilj kursa i koje tematske jedinice obuhvata kurs?

Online kurs ima za cilj, pored sticanja novih znanja i vještina, da kod polaznika unaprijedi postojeće znanje engleskog jezika, poboljša jezičke vještine (*reading, writing, listening, speaking*) i komunikacijske vještine u poslovnom okruženju.

Online kurs poslovnog engleskog jezika će obuhvatiti sljedeće tematske jedinice:

- Komunikacijske vještine (poslovna komunikacija, komunikacija sa korisnicima/klijentima i sl.)
- Sastanci na engleskom jeziku
- Vještine pregovaranja
- Prezentacijske vještine
- Pisanje e-mailova, izvještaja, dopisa
- Telefoniranje
- Razvoj profesionalnih vještina
- Vokabular poslovnog engleskog jezika
- Gramatika engleskog jezika



U zavisnosti od polaznika kursa, tematske jedinice će biti modifikovane prema potrebama polaznika (*tailor-made*). Kurs je prvenstveno namijenjen da unaprijedi jezičke vještine, a posebno će se osvrnuti na razvoj govornih sposobnosti polaznika.

Razvoj **vještine govora** engleskog jezika će se primjeniti kroz raznovrsne aktivnosti kao što su:

- redovne diskusije o međunarodnim i domaćim temama
- simulacija sastanaka
- simulacija telefonskih razgovora
- simulacija pregovora i diskusija
- rad u parovima
- rad u manjim i većim grupama
- izlaganje prezentacija svakog polaznika

Vještina pisanja će se razvijati kroz aktivnosti kao što su:

- planiranje i pisanje prezentacija na engleskom jeziku
- pisanje e-mailova
- pisanje izvještaja

Razvoj **vještine čitanja i slušanja** će se primjeniti kroz:

- čitanje i analizu članaka iz raznovrsnih specijalno namijenjenih udžbenika
- čitanje i analizu posebno odabranih članaka iz izvora kao što su The Guardian, The Financial Times, The New York Times, The Economist, itd.
- slušanje video zapisa iz relevantnih online izvora

Šta je ishod kursa?

Nakon završenog online kursa polaznici bi trebali moći da koriste postojeće znanje engleskog jezika u profesionalne svrhe sa posebnim akcentom na poslovnu komunikaciju na engleskom jeziku. Biće u mogućnosti da uspješno izlažu svoje stavove i ideje, da profesionalno vode prezentacije, sastanke i pregovore, te da koriste formalni engleski jezik prilikom svih vrsta korespondencija kako u pisanoj formi tako i u elektronskoj.

Koliko iznosi kotizacija i kako se prijaviti?

Za učešće na kursu predviđena je kotizacija u iznosu od **351,00 KM** (s PDV-om), a u cijenu je uključeno:

- online predavanja (ukupno 48 školskih sati)
- certifikat VTK/STK BiH

Prijava na online kurs se vrši popunjavanjem **online prijavnog obrasca**. Krajnji rok za dostavljanje prijave je petak, 15. novembar 2024. godine do 12.00 sati.



Na koji način se održava nastava?

Online kurs će biti održan putem Zoom aplikacije, koju možete besplatno preuzeti na sljedećem link-u: <https://zoom.us/download> (verzija za desktop/laptop računare). Za korisnike mobilnih telefona i tableta dostupna je Zoom aplikacija za mobilne uređaje, koju možete preuzeti na App Store-u (Apple uređaji) i Google Play Store-u (uređaji na Android OS-u). Za najbolje iskustvo praćenja online kursa preporučujemo da pristupite preko uređaja sa stabilnom internet konekcijom, kamerom i mikrofonom.

Ko je predavač?

Danka Dražić, profesorica engleskog jezika i književnosti, diplomirala je na Univerzitetu u Banjoj Luci na odsjeku za Anglistiku. Nakon završenog studija usavršava se u svojoj oblasti i zvanično posjeduje međunarodnu diplomu za predavanje engleskog jezika (TEFL/TESOL Diploma, Tefl International u Barceloni). Također posjeduje magistarsku titulu iz oblasti ljudskih prava i demokratije za jugoistočnu Evropu dobijenu na Univerzitetu Sarajevo/Bologna. Posjeduje dugogodišnje iskustvo u predavanju engleskog jezika, kao predavačica opšteg, pravnog i poslovnog engleskog. Također posjeduje iskustvo u pripremi kandidata za polaganje Cambridge ESOL ispita i akademski priznatog ispita TOEFL/IELTS. Dugi niz godina radila je na Policijskoj akademiji u Banjoj Luci, kako u državnim tako i u privatnim školama engleskog jezika. Posjeduje iskustvo u radu sa odraslima i sa djecom. Posjeduje licencu za rad u nastavi i položen stručni ispit u oblasti obrazovanja, kao i stručni ispit za rad u državnim organima. Certificirana je predavačica Agencije za državnu službu BiH za specijalistički kurs engleskog jezika.

Kome se mogu javiti za više informacija?

Kontakt osoba za sve dodatne informacije je Mirza Konjo, saradnik za edukaciju u VTK/STK BiH. Telefon: 033/566-204 & e-mail: mirza.konjo@komorabih.ba

